

БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ

ПРЕДСТАВНИЧКИ ДОМ

Комисија за спољну трговину и царине



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE

PREDSTAVNIČKI DOM/ZASTUPNIČKI DOM

Комисија за ванјску трговину и царине
Повјеренство за ванјску трговину и царине

Број: 01/3-50-3-3-31/14

Вежа: 01-50-1116/13

Сарајево, 18.2. 2014.године

ORIJENTACIONI RADNI PLAN
KOMISIJE ZA VANJSKU TRGOVINU I CARINE
PREDSTAVNIČKOG DOMA PARLAMENTARNE SKUPŠTINE BiH
ZA 2014. GODINU

Sarajevo, februar 2014.godine

Na osnovu člana 60. stav (2) Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH", br. 33/06, 41/06, 81/06, 91/06, 91/07, 87/09 i 28/12), Komisija za vanjsku trgovinu i carine Predstavničkog doma, na 31. sjednici, održanoj 26. februara 2014., u svojila je

ORIJENTACIONI RADNI PLAN KOMISIJE ZA VANJSKU TRGOVINU I CARINE ZA 2014. GODINU

Uvod

Komisija za vanjsku trgovinu i carine Predstavničkog doma Parlamentarne skupštine BiH (u daljnjem tekstu: Komisija) pratit će i razmatrati određena pitanja iz svoje nadležnosti tako što će se odrediti o svakom konkretnom pitanju vodeći računa o rokovima i kontinuitetu sjednica, kao i saradnji koju predlože nadležni organi Bosne i Hercegovine ili međunarodne organizacije.

Na osnovu člana 43. Poslovnika Predstavničkog doma, Komisija će u okviru svoje nadležnosti razmatrati pitanja koje se odnose na:

- vanjskotrgovinsku politiku,
- sporazume o međunarodnoj trgovini,
- carinsku politiku,
- tarife, propise i zakone iz ove oblasti,
- međunarodne obaveze Bosne i Hercegovine,
- odnose s međunarodnim trgovinskim institucijama, i
- druga pitanja iz oblasti vanjske trgovine i carina.

Obaveza izrade i dostavljanja orijentacionog radnog plana za sve komisije predviđena je članom 60. stav (2) Poslovnika Predstavničkog doma Parlamentarne skupštine Bosne i Hercegovine.

Cilj Komisije je da se planirana ili predložena pitanja razmatraju na vrijeme i da aktivnosti budu usklađene sa zahtjevima Predstavničkog doma.

Predviđena aktivnost Komisije za 2014. prevashodno se zasniva na Planu aktivnosti Vijeća ministara BiH, Planu aktivnosti Sekretarijata Parlamentarne skupštine BiH, te na specifičnim aktivnostima koje proističu iz njene nadležnosti utvrđene Poslovníkom Predstavničkog doma PSBiH.

Vijeće ministara BiH je, 23.1.2014., dostavilo Parlamentarnoj skupštini BiH Program rada Vijeća ministara BiH za 2014. godinu. Materijale koje Vijeće ministara BiH uputi u parlamentarnu proceduru Komisija će blagovremeno razmatrati u skladu s rokovima predviđenim Poslovníkom Predstavničkog doma, a plan rada Komisije bit će fleksibilan i prilagođavan aktuelnim temama.

Za uspješnu realizaciju Radnog plana potrebna je tehnička podrška Sekretarijata Parlamentarne skupštine BiH, kao i dobra saradnja sa institucijama u čijem djelokrugu su pitanja iz nadležnosti Komisije.

PLAN RADA PO KVARTALIMA

JANUAR – MART

a) Zakonodavna aktivnost

1. Prijedlog zakona o kontroli vanjskotrgovinskog prometa oružja, vojne opreme i roba posebne namjene
2. Prijedlog zakona o kontroli vanjskotrgovinskog prometa roba dvojne namjene.

b) Ostale aktivnosti

1. Izvještaj o radu Vijeća ministara BiH za 2013 .godinu u dijelu nadležnosti Komisije
2. Izvještaj o radu Upravnog odbora Izvozno-kreditne agencije Bosne i Hercegovine za 2013. godinu, nosilac posla: Izvozno-kreditna agencija BiH
3. Informacija o radu Vijeća za poticanje izvoza BiH- Izvozno vijeće BiH
4. Godišnji izvještaj o realizaciji poticaja u poljoprivredi, ishrani i ruralnom razvoju
5. Izvještaj o radu Komisije za 2013. godinu i Orijentacioni radni plan Komisije za 2014. godinu.

APRIL - JUNI

a) Zakonodavna aktivnost

1. Razmatranje prijedloga zakona iz nadležnosti Komisije

c) Ostale aktivnosti

1. Izvještaj o izdatim dozvolama za vanjskotrgovinski promet naoružanja, vojne opreme, proizvoda dvojne i posebne namjene za 2012. godinu
2. Izvještaj iz oblasti poljoprivrede za Bosnu i Hercegovinu za 2013. godinu
3. Izvještaj o rezultatima analiza provedenih monitoringa hrane i hrane za životinje u 2013. godini
4. Informacija o stanju sigurnosti hrane s podacima za period 1.1.-31.12.2013.
5. Informacija o provođenju Zakona o duhanu
6. Izvještaj o izdatim dozvolama za vanjskotrgovinski promet naoružanja, vojne opreme, proizvoda dvojne i posebne namjene za 2013. godinu
7. Izvještaj o realiziranim ispravama vanjskotrgovinskog prometa naoružanja, vojne opreme, proizvoda dvojne i posebne namjene za 2012. godinu

Razmatranje drugih materijala koji su, prema Poslovniku, u nadležnosti Komisije.

JULI – SEPTEMBAR

a) Zakonodavna aktivnost

1. Razmatranje prijedloga zakona iz nadležnosti Komisije.

b) Ostale aktivnosti

1. Polugodišnji izvještaj o realizaciji Mape puta s ciljem stvaranja uslova za izvoz proizvoda životinjskog i biljnog porijekla
2. Analize trendova u proizvodnji i trgovini poljoprivrednim proizvodima u BiH
3. Izvještaj o realizaciji plana aktivnosti zaštite domaće proizvodnje u kontekstu primjene Sporazuma CEFTA
4. Informacija o potrebnim reformama koje treba provesti u okviru organizacije i službenim kontrolama u lancu hrane i stočne hrane

OKTOBAR - DECEMBAR

a) Zakonodavna aktivnost

1. Prijedlog zakona o carinskim prekršajima
2. Prijedlog zakona o carinskoj politici Bosne i Hercegovine
3. Prijedlog zakona o izmjenama i dopunama Zakona o poljoprivredi, ishrani i ruralnom razvoju Bosne i Hercegovine

b) Ostale aktivnosti

1. Analiza programa mjera poljoprivredne politike i usklađenosti s mjerama zajedničke poljoprivredne politike EU
2. Informacija o primjeni tarifnih kvota Carinske tarife Bosne i Hercegovine za 2014. godinu
3. Godišnji izvještaj o realizaciji Mape puta s ciljem stvaranja uslova za izvoz proizvoda životinjskog i biljnog porijekla
4. Plan za harmonizaciju direktnog poticaja u poljoprivredi i ruralnom razvoju u BiH (2014.-2016.)
5. Plan za harmonizaciju mjera tržišno-cjenovne politike u BiH
6. Aktivnosti na provođenju Sporazuma CEFTA 2006:
– Izvještaj sa 8. sastanka Zajedničkog odbora Sporazuma CEFTA 2006,

Navedeni materijali bit će razmatrani ako, po zaključku Vijeća ministara BiH, budu dostavljeni u daljnju proceduru Parlamentarnoj skupštini BiH kao i ostali akti - informacije, izvještaji, iz nadležnosti Komisije.

c) Aktivnosti organiziranja radnih sastanaka s velikim vanjskotrgovinskim organizacijama iz BiH

Na osnovu odredbi člana 36. Poslovnika Predstavničkog doma, organiziranje radnih posjeta članova Komisije i održavanje radnih sastanaka s bh. organizacijama velikog vanjskotrgovinskog prometa radi upoznavanja članova Komisije s načinom rada i problemima iz oblasti vanjske trgovine i carina.

Ostale aktivnosti

Prema ukazanoj potrebi, Komisija će se sastajati s predstavnicima nadležnih entitetskih ministarstava, Vlade Brčko Distrikta BiH, VTKBiH, Vijećem za zaštitu potrošača BiH, Privredne komore Federacije BiH; Privredne komore Republike Srpske, raznih nevladinih organizacija i udruženja proizvođača, s ciljem smanjenja carinskih barijera kod izvoza bh. proizvoda, povećanja izvoza, odnosno smanjenja vanjskotrgovinskog deficita.

Članovi Komisije učestvovat će na konferencijama i seminarima koji se odnose na oblasti koje su u nadležnosti Komisije.

Komisija će nastojati da unaprijedi saradnju s drugim institucijama Bosne i Hercegovine, a naročito s Ministarstvom vanjske trgovine i ekonomskih odnosa BiH i Upravom za indirektno oporezivanje BiH.

Nove obaveze koje se mogu pojaviti, prije svega prijedlozi zakona iz nadležnosti Komisije i inicijative ovlaštenih predlagača, bit će blagovremeno razmatrani na sjednicama Komisije.

Z A K L J U Ć A K

Komisija za vanjsku trgovinu i carine nastojat će u potpunosti realizirati planirane aktivnosti.

Plan rada za 2014. godinu dat je okvirno, prema očekivanim aktivnostima na nivou BiH i u skladu s potrebom za koordinacijom s drugim nadležnim organima.

Rokovi za razmatranje materijala zavisit će od prijema materijala od institucija koje ih šalju i zaduženja od Kolegija Predstavničkog doma.

Nove obaveze koje se mogu pojaviti, a koje nisu predviđene planom, bit će blagovremeno razmatrane.

Predsjedavajući Komisije
Borislav Bojić